



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Gasparis Barzaei Belgae E Societate Iesv: B. Xaverii
In India Socij**

Trigault, Nicolas

Coloniae, 1611

Capvt I. Armuziæ descriptio.

urn:nbn:de:hbz:466:1-45183



VITAE

P. GASPARIS

BARZAEI

BELGAE

LIBER SECVNDVS.

CAPVT I.

Armuzia descriptio.

ACTENVS Gasparis
 velitationes; nunc iu-
 sta hoc libro certami-
 na, non cum dæmoni-
 bus modò atque omni
 exercitu vitiorum, sed cum ipsa na-
 tura quoq; commemorabimus. Atq;
 hoc posterius priùs dicere opera
 pretium, vt natura loci cognita, ve-
 lut stadij in quo decurrit Gaspar,
 eximij athletæ virtus inclarescat.

Armuzia insula est eademque ci-
 uitas, & emporium longè celeberrimum.
 Insula, quam alio nomine
 indigenæ Gerum vocant, sita in
 Persi-

Perfici sinus freto, & in vigesimo-
 septimo eleuati poli gradu, leucis
 ab Arabia felice duodecim; à Con-
 tinenti Persidis duabus; à Carmania
 prouincia quatuor distare perhibe-
 tur. Carmaniæ parebat olim, & ad-
 huc vestigiū est in eius Metropolis
 nomine Armuza; nunc Regem ha-
 bet suum, eumque vel insulæ vel vi-
 cinorum locorum possessione non
 parum potentem. Parua est omninò,
 & in circuitu quatuor non totas
 leucas habet. Et profectò non satis
 scio, an toto terrarum orbe reperiri
 ciuitas possit, in qua sic diuitiæ cū
 paupertate, copia cum sterilitate,
 comoda cum incommodis, arte
 naturam superante, sint coniuncta.
 Comoda fere sunt hæc: Portus
 duo, è quibus cætera in urbem com-
 moda inuehuntur: alter ad ortum
 solis, ad occasum alter; ex utroque
 latere sinu percommodo à natura
 facti, vt onerarijs è quauis mundi
 plaga confluentibus fidam præbeāt
 stationem. Inde factum emporium
 earum mercium omnium, quæ
 E vel

✠

IS

I

VS.

sparis

inc iu-

rtami-

moni-

omni

sa na-

s. Atq;

opera

ta, ve-

aspar,

cat.

que ci-

leber-

omine

sita in

Persi-

vel ex Oriente, vel ex Occidente, imò & ab Aquilone, Armenia videlicet, Persia, Parthæaque deuehuntur. Ea propter mira & nusquam fortè maior gentium varietas: Europæi permulti, Russi, Poloni, Hungari, Veneti, Lusitani; ex Asia, Turcæ, Saraceni, Armeni, Arabes, Indi; ex Africa Abyssini, & quicumque mare rubrum accolunt. Ex his omnibus diuitiæ & negotiatorum opes propè incredibiles, atque ex opibus mirus decor ciuitatis, vt gloriari incolæ soliti sint, neque exterorum iudicio immerito, orbis gemmam, si annulus is foret, Armuziam fore. Ex iisdem opibus delicia, vel in iritamentis gulæ, vel cætero cultu denique cū ibi nihil sit, nihil tamen deesse dici potest.

Hæc propè omnium vrbium ornamenta, quæ ars Armuziæ congestit, ferè totidem malis natura ibi cū arte perpetuò dissidens facile compensauit. AEstus in primis tantavis, vt ardere omnia videantur; nusquam alibi tantus, ne sub ipso quidem

dem æquatore. quod sanè mirum videri potest, cum extra tropicos in zona sit temperata. Causam, quia melior non inuenitur, conferunt in incredibilem soli siccitatem; etsi sanè facilius est siccitatem ab æstu, quam æstum à siccitate ortum persuadere. Tanta igitur est siccitas, quanta est meri salis ac sulphuris; è quibus duobus tota insula composita videri potest. Ipsos fluuios æstate in salem, vt hyeme in glaciem suam in Zelandia & Hollãdia coire Gaspar affirmat; inde è sale colles, quibus alij, si aliquos exhaueris, repente succedunt. Eius acrimonia tanta est, vt quam carnem condierit, propè exedat. Nec sulphuris minor copia ferunt olim toto septennio arfisse; nec ita dudum montem vnum arfisse perhibent; hodieque montium vertices ignei coloris, aut calcem referentes incendium videntur confirmare. Ex hac, vt dixi, siccitate æstui propè intolerabili ars vtcumque mederi hoc modo solet. In ædium atrijs

E 2 è fri-

100 VITAE GASP. BARZAEI
è frigida thermæ fiūt; in ijs collo tenus, & temperandi æstus & conciliandi soporis causa, velut in liquidis culcitris, versa in delicias necessitate, pernoctant. Terræ motus his incommodis cū accedunt, tum demum speciem præbent inferorum. Ij sunt ingentes & frequentes, ac paucis mensibus, quibus ibi Gaspar initio fuit, octies nouiesve insula formidabiliter trepidauit.

Ex his omnibus rerum omnium sterilitas tanta est, vt quidquid ad humanæ vitæ sustentationem facit, si deesse ibi dixeris, citiùs rem explicueris, quàm si herbas, arbores, aues, aquam potabilem, nedum vinū, segetes, feras, ac cætera eius generis negaueris reperiri. Ea omnia ferè importantur, nisi si quid imbrium ab auaris nubibus præstolentur, & cisternis excipiant studiosiùs propè quàm vinum dolijs Lusitanii. Ea sufficere poterant vniuersa, vt quantumlibet frequentem urbem desolarent: sed ea, quæ nominus potest in frequentandas quibus
in de-

in desolandas ciuitates, ingeniosa cupiditas attulit horum malorum miseris mortalibus vel remedium vel contemptum. Ad extremum omittere non possum rem ea in insula sanè admirabilem. Pauca sunt in quodam insulæ angulo palmæ, quò sal nondum sese intulerit. Ex fructum ferunt, qui omninò non maturescat, nisi ramo alterius item palmæ, sed sterilis, tangantur: quod si omissum fuerit, fructus ante decidunt, quàm ad maturitatem perueniant; planè vt hæc in suo genere Midæ virgula possit videri.

CAPVT II.

Armutiam Gaspar ingreditur.

EAM in urbem venit Gaspar incendio maiore incensus, quàm quo ciuitas irato ac incenso Phæbo cõflagrabat. Quocirca non aliter ac in lumine fieri solet, maiori minus cedebat incendium. Nauis vt in conspectum venit ciuitatis, auditum est subito Patrem è